




علیرضا دیکو

علي ظفر خواه ين آذربايجان فولكلورو حاققيندا چابالاري

70- نجي ايل ده گوركملی تدقیقاتچی " علي ظفرخواه " ين "آتا بابا لار دئييب لر " كيتابي ياييلاراق ، اونون آذربايجان شفاهي خلق ادبياتي اوغروندا آپاردیقي تلاش لار، آردی كسیلمه دن باشقا كیتابلار شكلینده ایسه نشر اولاركن فولكلوروموزو توپلایيب یازماقداسارسیلماز بیر ائل وورغونو ایله راسلاشیریق .اونون كیتابلارینی اوخویاركن ، یازیچی نین آپاردیقي آمگی و دقتی داها ارتیق گۆزه چارییر. خصوصا كي تطبیقي بیر اراشدیرمادا ، قاباقکی ایل لرده آذربايجان دا یاییلمیش فولكلور حاققیندا اولان كیتابلری نظردن كئچیره رك چالیشیب او كیتابلاردا كي ماتریال لارین هئچ بیرین حاضر لادیقي اثر لرده تیکرار ائتمه یه مگر باشقا و یئنی بیر واریانت ایله اوزبه اوز قالا و معنا ایله یوروم جهتین دن اونلارلا فرق له نه .

گوركملی اراشدیریچی " علي ظفر خواه " ين اثر لرینده ، فولكلورون چئشید لی موضوع لارینا اوغراماقلا، اونون آلدی ائتدیگی ظفر لر ، اؤزل لیك له توپلادیقي كوچه بازار ایصطیلاح لاری نین ساییسی چوخ آرتیق و گۆزه گلیم دیر. اونون " آتا بابا لار دئييب لر كیتابینی چیخدیقدان سونرا ، او بیري كیتابلاری رنگارنگ بیر جیلوه تاپیر لار. نئجه دییه رلر اونلاردا ، اغیز ادبیاتی چئشیدلی ژانرلاری نین اؤرنك لری ایله آرا سیرا تانیس اولوب زحمت لرینه تكجه آلیش دئمك یاراشیر .هابئله " علي ظفرخواه " ، گتیر دیگی ماتریال لارین چوخونا لازیم گلیرسه کیفایت قَدَر تو ضیح وئیری. یازیچی اؤزو دئیشكن " بو سؤز لراوشاقلیق دان ائشیتدیک لریم ، دانیشدیقجا یادیم

دوشن لرين سئچيلميش لري و يا ايندي آغيز لاردان آليب اصلتينه آرخاين
اولدقلاريم ديلار. "

علي ظفرخواه ين اثرلري ايله تانيش اولاق :

- 1- آتا بابا لار دئييب لر تبريز - 1370
- 2- فولكلور خزانة سي تبريز - 1379
- 3- ائل بيليگي ثروتيميز تبريز - 1383
- 4- دَير لي ائل ميراثي تبريز - 1386

علي ظفرخواه (1321- خوي) ين " سئوگي " آدلي بير شعر توپلوسو دا
واركي 1384 - نجي ايلده تبريزده " ياران " ياييني طرفيندن نشر اولوب
ياييليب دير.

علي ظفرخواه ين آذربايجان فولكلورو حاققيندا بئله بير دئييمي وار :
مؤحتشم غني فولكلوروموز بونو بيان ائدير كي بيز واريق ، مخصوص مدنيتيميز
وار و كؤكو موز درين درين لرده دير ...آنچاق نچه كيتاب يازماقلا اوجسوز
بوجاقسيز وارلي و بارلي فولكلورومز اسكيلمك بيلر مي ؟"

zihagh@yahoo.com